

# UGOVOR O NABAVCI I ISPORUCI PAUK BAGERA

## I UGOVORNE STRANE

1. **KANTONALNA UPRAVA CIVILNE ZAŠTITE KANTONA SARAJEVO**, ul. Fehima ef. Čurčića br. 1., 71000 Sarajevo, koju zastupa direktor, Dženan Brkanić, (u daljnjem tekstu: **Kupac**), ID broj: 4200665390008 i
2. **EKO GRAD d.o.o. SARAJEVO (voditelj Konzorcija/grupe ponuđača Eko grad d.o.o. Sarajevo i Bosman d.o.o. Sarajevo)**, ul. Pijačna br. 14a1., Ilidža, kojeg zastupa direktor, Nedžad Turnadžić, (u daljnjem tekstu: **Prodavac**), ID broj: 4202827030003.

U daljnjem tekstu Ugovora, kada se Kupac i Prodavac navode zajednički, tj. zbirno, tada su označeni kao „Ugovorne strane“.

## II OSNOV ZA ZAKLJUČENJE UGOVORA

Osnov za zaključenje ovog Ugovora je Odluka o izboru najpovoljnijeg ponuđača za nabavku roba, Kupca, broj: 06-11-873-14.3/22 od 01.02.2023. godine.

## III PREDMET UGOVORA

### Član 1.

Predmet ovog Ugovora je nabavka i isporuka pauk bagera prema tehničkim specifikacijama, koja je navedena u Tenderskoj dokumentaciji za nabavku robe Kupca, broj: 06-11-873-5/22 od 16.11.2022. godine, broj: 06-11-873-8/22 od 22.11.2022. godine i broj: 06-11-873-10/22 od 27.12.2022. godine, kao i u Ponudi Prodavca, br. 07/23 od 16.01.2023. godine, koje čine sastavni dio ovog Ugovora.

### Član 2.

Pauk bager (u daljnjem tekstu: roba), Prodavac je dužan isporučiti prema svojoj Ponudi, te po uputstvima Kupca i u skladu sa važećim sa tehničkim propisima, pravilima i standardima.

## IV CIJENA I NAČIN PLAĆANJA

### Član 3.

Ukupna vrijednost ugovorene robe bez PDV-a definisane u članu 1. ovog Ugovora iznosi: 1.049.500,00 KM (slovima: miliončetrdesetdevethiljadaipetstotina konvertibilnih maraka).

PDV na ukupnu vrijednost ugovorene robe iz stava 1. ovog člana iznosi 178.415,00 KM.

Ukupna vrijednost ugovorene robe sa PDV-om iznosi 1.227.915,00 KM (slovima: miliondvijestotinedvadesetsedamhiljadaidevetstotinupetnaest konvertibilnih maraka)

Cijena je fiksna i ne podliježe nikakvim promjenama za vrijeme trajanja Ugovora.

Kupac se obavezuje da će ukupni iznos iz stava 1. ovog člana isplatiti na račun Prodavca broj: 1861220310600656 otvoren kod Ziraat BH Bank d.d.

#### **Član 4.**

Ugovorne strane su saglasne da će Kupac ukupnu vrijednost iz člana 3. stav 1. ovog Ugovora isplatiti u roku od 30 dana od dana isporuke robe, ako prilikom primopredaje Kupac nema primjedbi na isporučenu robu.

U slučaju da se prilikom primopredaje robe, konstatuju nedostaci i odstupanja od tehničkih specifikacija datih u Ponudi br. 07/23 od 16.01.2023. godine, Kupac se obavezuje da će isplatu izvršiti odmah, a najkasnije u roku od 10 dana, nakon što Prodavac otkloni nedostatke konstatovane u Zapisniku o primopredaji roba iz člana 8. stav 1. ovog Ugovora.

### **V ROK I MJESTO ISPORUKE**

#### **Član 5.**

Prodavac se obavezuje da će robu iz člana 1. ovog Ugovora, isporučiti najkasnije u roku od 300 dana od dana potpisivanja Ugovora na adresu: vatrogasna ispostava Stup, ul. Brijeshćanska br. 14., 71000 Sarajevo.

#### **Član 6.**

Ugovoreni rok isporuke robe iz člana 5. ovog Ugovora, može se produžiti u slučaju:

- nastanka više sile ili drugih okolnosti koje Prodavac nije mogao predvidjeti,
- kada ugovorne strane sporazumno produže ugovorni rok.

Pod višom silom se podrazumijeva slučaj kada ispunjenje obaveze postane nemoguće zbog vanrednih vanjskih događaja na koje Prodavac nije mogao uticati, niti ih predvidjeti ili spriječiti.

#### **Član 7.**

Ugovoreni rok isporuke robe zbog nastanka više sile ili drugih okolnosti koje Prodavac nije mogao predvidjeti može se produžiti i isti odobrava Kupac, s tim što je Prodavac dužan da u roku od pet dana od nastanka više sile ili drugih okolnosti zbog koji ne može izvršiti svoje obaveze po ovom Ugovoru, obavijestiti Kupca.

Ukoliko Prodavac svoje obaveze, zbog dejstva više sile ili nastanka nepredviđenih okolnosti, ne može ispuniti u roku iz prethodnog stava, Kupac ima pravo na raskid Ugovora.

### **VI KVALITET ROBE**

#### **Član 8.**

Prodavac se obavezuje da isporučena roba iz člana 1. ovog Ugovora, bude traženog kvaliteta i karakteristika, odnosno kvaliteta i karakteristika koji je dao u svojoj Ponudi, br. 07/23 od 16.01.2023. godine, a koju je Kupac odabrao kao najpovoljniju.

Kvalitet i karakteristika robe koja je predmet ovog Ugovora, kontrolisat će ovlašteni predstavnici Prodavca i Kupca.

Primopredaju robe između Prodavca i Kupca izvršit će ovlašteni predstavnici Prodavca i Kupca.

O navedenoj primopredaji robe sačinat će se Zapisnik o primopredaji, odmah, a najkasnije u roku od 48 sati, od prijema robe, koji će potpisati ovlašteni predstavnici Prodavca i Kupca.

## **Član 9.**

Sva eventualna odstupanja i nedostaci, prilikom primopredaje robe, konstatovat će se Zapisnikom o primopredaji robe.

Prodavac se obavezuje da će primjedbe konstatovane Zapisnikom o primopredaji otkloniti, o svom trošku, odmah, a najkasnije u roku od 15 dana, od dana potpisivanja navedenog Zapisnika.

Ako u navedenom roku Prodavac ne otkloni primjedbe konstatovane Zapisnikom o primopredaji robe, Kupac zadržava pravo da raskine Ugovor.

## **VII OBAVEZE PRODAVCA I KUPCA**

### **Član 10.**

Prodavac se obavezuje:

- da će dostaviti garanciju za uredno izvršenje ugovora u obliku bezuslovne/bankarske garancije u roku od sedam dana od dana zaključivanja/obostranog potpisivanja Ugovora u iznosu od 10% od ukupne vrijednosti ugovorene robe bez PDV-a iz člana 3. ovog Ugovora, koji se naplaćuje ukoliko Prodavac ne izvrši svoje obaveze po ovom Ugovoru ili neuredno izvrši iste,
- da će ugovorene obaveze izvršiti blagovremeno, u ugovorenom roku, stručno i kvalitetno u skladu sa važećim tehničkim normativima i standardima, sve prema dostavljenoj Ponudi;
- da će u najkraćem roku otkloniti eventualne nedostatke koji mu budu predloženi prilikom primopredaje roba iz člana 1. ovog Ugovora od strane ovlaštenog lica Kupca;
- da će izvršiti obuku rukovaoca robe u prostorijama korisnika robe prije puštanja u rad u trajanju od minimalno sedam dana;
- da će obezbijediti servisnu podršku i sve zavisne troškove u vezi iste, u roku od maksimalno 96 sati po pozivu korisnika robe;
- da će prilikom primopredaje robe iz člana 1. ovog Ugovora, Kupcu predati svu potrebnu prateću dokumentaciju za istu i to: dokumentaciju potrebnu za registraciju vozila, garantne listove za ponuđenu robu iz tehničke specifikacije, uputstvo za upotrebu na jednom od službenih jezika u Bosni i Hercegovini i drugu tehničku dokumentaciju.

### **Član 11.**

Kupac se obavezuje:

- da će izvršiti uplatu ukupne cijene vrijednosti ugovorene robe na način iz člana 3. ovog Ugovora, u roku utvrđenom u članu 4. ovog Ugovora;
- da će pismeno obavijestiti Prodavca o svakom eventualnom propustu Prodavca u odnosu na pitanja utvrđena ovim Ugovorom.

## **VIII GARANTNI ROK, UGOVORNA KAZNA I RASKID UGOVORA**

### **Član 12.**

Za isporučenu robu važi garancija proizvođača bagera u trajanju minimalno 3.000 radnih sati ili 36 mjeseci, s tim što je Prodavac dužan da svu dokumentaciju o garancijama proizvođača bagera, pribavi i preda Kupcu. Garantni rok teče od dana kompletne isporuke robe.

### Član 13.

Ukoliko Prodavac ne izvrši svoje obaveze u ugovorenom roku, dužan je da, Kupcu za svaki dan zakašnjenja plati ugovornu kaznu u iznosu od 0,1% od ukupne vrijednosti ugovora bez PDV-a.

Ukupna vrijednost ugovorne kazne koja se plaća ne može iznositi više od 10% od ukupne vrijednosti Ugovora.

### Član 14.

Ukoliko isporuka ne bude u ugovorenom roku iz člana 5. ovog Ugovora ili u dodatno dogovorenom roku iz člana 7. ovog Ugovora, Kupac zadržava pravo jednostranog raskida Ugovora.

## IX PRIJELAZNE I ZAVRŠNE ODREDBE

### Član 15.

Prodavac nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

### Član 16.

Na sva pitanja koja nisu regulisana ovim Ugovorom, a pojave se prilikom njegove realizacije primjenjivat će se odgovarajuće odredbe Zakona o obligacionim odnosima.

### Član 17.

Ugovorne strane su saglasne da će sve nesuglasice i sporove, koji eventualno mogu da proisteknu iz ovog Ugovora, prvenstveno nastojati riješiti sporazumno, a ukoliko, iz ma kog razloga, to ne budu moguće, nadležan je Općinski sud u Sarajevu.

### Član 18.

Ovaj Ugovor stupa na snagu danom njegovog potpisivanja od strane ovlaštenih predstavnika Prodavca i Kupca.

### Član 19.

Ugovor je sačinjen u 6 (šest) istovjetnih primjerka, od kojih svaka od ugovornih strana zadržava po 3 (tri) potpisana i ovjerena primjerka.

**ZA PRODAVCA**

**EKO GRAD d.o.o.**

**DIREKTOR**

**Nedžad Turnadžić**

**YUSUPOVIĆ ADISA**

Broj: 16/23

Sarajevo, 15 02. 2023. god

**ZA KUPCA**

**KUCZ KS**

**DIREKTOR**

ine